

Yucatec - Tuláacalo' Quili'ich Dzíibo' - Salvation Scriptures

Efesios 2:2 ichil tu'ux cuxa'ane'ex ca'acho', iquil a beetique'ex le ba'ax cu beetic le yóokolcaaba' yéetel a dzo'ocbesique'ex u yóolal kaasil ba'al máax cu meyaj ti' le máaxo'ob ma' tu yu'ubico'ob u t'aan Kuo'.

Mateo 6:10 Talac a ajawil. Beeta'ac ba'ax a káat way lu'ume' je'el bix u beeta'al te j ca'ano'.

Lucas 22:42 Tu ya'alaj: In yuum, wa a káate' toquen ti' le mukyaja', ba'ale' ma' u beeta'al le ba'ax in káat tene', ba'ale' le ba'ax a káat teche'.

Juan 16:7-9 Tene' quin wa'alic ti' te'ex u jaajil, asab ma'alob a ti'al te'ex ca xi'iquen. Tumen wa ma' tin bine' ma' túun taal u ti'al antal ta wéetele'ex le máax áantique'ex yéetel cu dzáic a wóole'exo', ba'ale' wa quin bine' yaan in túuxtic. 8 Le quéen taalaque' yaan u beetic u kaj óoltic u máaquilo'ob yóokolcaabe' yaan u kebano'ob, yaan xan jun p'éel ma'alob bej, yéetel Ku xan cun p'is óoltico'ob. 9 Leti'obe' j kebano'ob tumen ma' táan u yocsaj óoltqueno'ob.

2 Timoteo 2:10 Le o'olal quin mukyajtic tuláacal u ti'al u yutzel le máaxo'ob yéeya'ano'ob tumen Kuo', u ti'al ca yanac ti'ob xane' le tocsajil cu taal tu yo'olal nupa'anilo'on ti' Cristo Jesuso' yéetel nojbe'enil mina'an u xuul.

Romanos 15:20,21 Bey tin dzaj in wóol in tze'ectic le tocsajila' tu'ux ma' u'uya'ac jun puli' u kaaba' Cristoi', u ti'al ma' in meyaj tu yóokol u meyaj yaanalí', 21 ba'ale' je'el bix cu ya'alic le Quili'ich Dzíibo': Bíin paacatnac le máaxo'ob mix jun téen kuchuc ti'ob u péectzilil leti'o' yéetel bíin na'atnac le máaxo'ob mix jun téen u yu'ubo'ob u yúuchul t'aan tu yo'olal leti'o'.

Hechos 2:36,37 Tuláacal u cajnáalilo'ob Israel unaj u yojéeltico'ob, x ma' ca'a p'éel óolalil, le Jesús máax ta sinaje'ex ti' cruze', beeta'ab Yuumtzil yéetel Cristo tumen Ku. 37 Le ca tu yu'ubajo'ob lela', yaachaj u yóol u pucsi'ikalo'ob, ca tu káat chi'itajo'ob ti' Pedro yéetel ti' u láak apóstolo'ob: C sucu'une'ex ¿ba'ax unaj c beetic?

Hebreos 4:2 Tumen tac ti' to'on xaan dzo'oc u tze'ecta'al le ma'alob péectzilo', je'el bix ti' leti'obo'; ba'ale' ti' leti'obe' mixba'al u biilal tu yu'ubilaco'ob le t'aano', tumen tu yu'ubajo'ob ba'ale' ma' tu yocsaj óolto'obi'.

Jeremías 24:7 Bíin in dzáa u na'ato'ob u ti'al ca u kaj óolto'ob chéen teen Yuumtzil, leti'obe' in caajal, teen xane' u Kuob, tumen bíin suunaco'ob ti' teen tu jaajil u yóol u pucsi'ikalo'ob.

Hechos 16:14 Jun túul ti' leti'obe', Lidia u kaaba', Tiatira u caajal, jun túul x coon bonbil nook. Le co'olela' máax cu kultic Kue', táan u yu'ubic ba'ax cu ya'ala'al, je'eb túun u pucsi'ikal tumen Yuumtzil u ti'al ca u yocsaj óolt ba'ax tu ya'alaj Pablo.

Mateo 13:14,15 Beyo' cu dzo'ocpajal ti' leti'ob ba'ax tu ya'alaj aj bóobat Isaías:

Te'exe' tu jaajile' bín a wu'uye'ex, ba'ale' ma' bín a na'ate'exi' tu jaajile' bín a pacte'ex, ba'ale' ma' bín a wile'exi'. 15 Tumen u pucsi'ikal le máaco'oba' dzo'oc u chichtal, jach máacal u xiquino'ob yéetel muudzul u yicho'ob; u ti'al ma' u paacato'ob yéetel yicho'ob, mix u yu'ubajo'ob yéetel u xiquino'ob, mix u na'atajo'ob yéetel u pucsi'ikalo'ob, mix u suuto'ob ti' teen u ti'al ca in dzaco'ob.

Isaías 6:9,10 Leti'e' tu ya'alaj ti' teen: Xeen a wa'al ti' le caaj le t'aano'oba': Quex ca'a sen u'uyajnaque'exe', ma' bín a na'ate'ex mix ba'ali'; quex ca sen paacatnaque'exe', mix ba'al bín a ch'a'a nu'ucte'ex. 10 Xa'akbes u tuucul le caaja'; tzuutz u xiquino'ob, pix u yicho'ob tu yo'olal ma' u paacato'ob mix u yu'ubajo'ob, mix u ch'a'a nu'uctico'ob t'aano'ob, tu yo'olal ma' u sutkajalo'ob ti' teen u ti'al ma' in dzaquico'ob.

Marcos 4:11,12 Ca tu ya'alaj ti'ob: Ti' te'exe' Ku dzáic a wojélte'ex u ta'acbil ba'alilo'ob u ajawil; ba'ale' ti' le u láako'obo' tuláacal cu ya'ala'al ti'ob yéetel quet t'aano'ob, 12 tu yo'olal le quéen paacatnaco'obe' cu p'áatal ma' táan u na'atico'obe', u ti'al ma' u sutkajal u tuuculo'ob, mix u sa'atsa'al u kebano'ob.

Juan 12:39,40 Bey túuno' ma' páatji' u yocsaj óolalo'obi', tumen Isaiase' tu dzíibtaj xan: 40 Beeta'abo'ob ch'óopo'ob yéetel chich u pucsi'ikalo'ob tumen Ku, u ti'al ma' u paacato'ob yéetel u yicho'ob, mix ca u na'ato'ob yéetel u pucsi'ikalo'ob, mix u suuto'ob ti' teen u ti'al ca in dzáa u toj óolalo'ob.

Romanos 11:7,8 ¿Ba'ax túun? Le israelitaobo' ma' yanchaj ti'ob ba'ax cu caxtico'obi', ba'ale' le máaxo'ob yéeya'ano'ob tumen Kue'; yanji ti'ob. Le u láako'obo' chichcunta'ab u pucsi'ikalo'ob 8 je'el bix cu ya'alic le Quili'ich Dzíibo': Beeta'abo'ob tumen Ku sísia'an u pixano'ob; dzaab ich ti'ob ma' tu paacato'ob yéetel xiquin ma' tu yu'ubajo'ob, beyo'ob tac bejela'e'.

2 Tesalonicenses 2:10,11 Bín meyajnac ti' tuláacal jejeláasil kaasilo'ob u ti'al u tusico'ob le máaxo'ob cu bino'ob ti' xu'ulsajo', bey ma' tu yóoltajo'ob u kamo'ob le jaajo' u ti'al ca to'ococo'ob. 11 Tu yo'olal lela', Kue' cu túuxtic ti'ob jun p'éel páajtalil táabsajil, le cu beetic u yocsaj óoltico'ob le tuuso',

Mateo 13:18-23 U'uye'ex túun ba'ax u káat u ya'al u quet t'aanil le máac cu paakalo': 19 Le máaxo'ob tu yu'ubajo'ob u tze'ecta'al u ma'alob péectzilil u ajawil ca'ano', ba'ale' ma' tu na'atajo'obe', beyo'ob le i'inaj j líub tu tzéel le bejo'; cu taal kasilba'ale' cu lukesic le ma'alob péectzil j pa'ak tu pucsi'ikalo'obo'. 20 Le i'inaj j líub ti' tzekelo' leti' le máaxo'ob cu yu'ubico'ob le ma'alob péectzilo' yéetel cu kamico'ob yéetel qui'imac óolal, 21 ba'ale' tumen mina'an u mootzo'obe' cu t'ililo'ob chéen dze'edzec kiin, le quéen u mukyajto'ob yaayaj óolal yéetel ch'a'apachtajil tu yo'olal le ma'alob péectzilo', cu líubul u yóolo'ob. 22 Le i'inaj j pa'ak ich ki'ixo'obo', leti' le máaxo'ob cu yu'ubico'ob le ma'alob péectzilo', ba'ale' cu sen tucultico'ob u ba'alo'obil le yóokolcaaba' yéetel cu tu'usulo'ob tumen le ayikalilo'. Tuláacal lela' cu cupic

yiik le ma'alob péectzilo' yéetel ma' táan u cha'ic u yichanquil ti' le máaco'oba'. 23 Ba'ale' le i'inaj j pa'ak ti' ma'alob lu'ume', leti' le máaxo'ob tu yu'ubajo'ob le ma'alob péectzilo' tu na'atajo'ob, yéetel cu dzáico'ob ich.

Dze'edzeque' tu dzaj ciento u yich, u láako'obe' sesenta, u láako'obe' treinta.

2 Corintios 3:15,16 Tac bejela'e' le quéen u xo'ococ u dzíib Moisese', jun p'éel nook pixic u na'ato'ob. 16 Ba'ale' le quéen súutkajac u yóol jun túul máac ti' Yuumtzile', le nooko' cu lukul ti'.

Isaías 30:28 u múus ike' bey áalcab ja' cu tuul u ti'al u kuchul tac tu caal wíinique'; leti'e' táan u taal u dzáa jun p'éel cuuch tu caal le múuch' caajo'obo' u ti'al ca u beet u yóotziltalo'ob, u ti'al ca u dzáa jun p'éel jok ni' ti' le caajo'obo' u ti'al ca u beet u sa'atalo'ob.

Oseas 11:3-7 Quex beyo', tene' tin nu'uctaj u beel u caajil Efraín ca tin ca'anbesaj xímbal. ba'ale' leti'obe' ma' tu táan óoltajo'ob wa téen canantico'obi'. 4 Yéetel u kaaxilo'ob muumun óolal yéetel xan u suumilo'ob yaacunaj tin taasajo'ob ti' teen; tin takajo'ob tin p'u'uc óoli' bey je'el bix u na'adzal mejen paalal u ti'al j chu'uche'; j chinlajen ti'ob u ti'al in dzáic ba'al u jaanto'ob, 5 ba'ale' leti'obe' ma' tu yóoltajo'ob suut tin wicnali'. Le t o'olalo' yaan u suuto'ob tu lu'umil Egipto, Asiria bíin ajawtico'ob. 6 Le táadz máascab ca'a mat u yejo' bíin lúubuc tu yóokol u noj caajo'ob, bíin ch'éejsa'ac u tuulumilo'ob, yaan u xu'ulsa'alo'ob tu yo'olal le jok jo'olo'ob cu beeticco'obo'. 7 In caajale' cu ch'iquicubáa j antal náach ti' teen; cu ka'am awato'ob tu tojil ca'an, ba'ale' mix máac áantico'ob.

Hechos 26:18 Quin túuxtiquech ti'obe' u ti'al ca a p'il u yicho'ob, uti'al ma' xímbalo'ob ti' eekjoch'e'enil ba'ale' ti' le sáasilo', u ti'al ma' u yantaalo'ob yáanal u páajtalil Satanás ba'ale' yáanal upáajtalil Ku, yéetel u ti'al ca u yocsaj óolteno'ob, u ti'al ca u kamo'ob beyo' sa'atsaj si'ipil bey xan jun p'éel cúuchil ichil le máaxo'ob jun páay cu bin ta'ano'ob tumen Kuo'.

2 Timoteo 2:24-26 Tumen u palitzil Yuumtzile' ma' unaj u máan ti' ba'altelilo'obi'; ba'ale' unaj utz u pucsi'ikal u ti'al tuláacal. Unaj ma'alob u ti'al ca'ansaj, yéetel chuca'an u yóol. 25 Ca u jóoks ti' ma'alob bej yéetel cabal óolale' le máaxo'ob chich u pucsi'ikalo'obo', táan u alab óoltique' ca ke'exec u tuuculo'ob tumen Kue' yéetel ca u kaj óolto'ob u jaajil, 26 u ti'al ca ajaco'ob yéetel ca púudzuco'ob ti' le léech tu'ux kala'ano'ob tumen kasilba'alo' u ti'al u beetic tu yéetelo'obe' le ba'ax u káate'.

Apocalipsis 3:17-19 Teche' ca wa'alic: Tene' ayikalen, táan u bin teen utzil yéetel mixba'al cu bineltic teen. Teche' ma' táan a ch'a'a nu'uctic wa jun túul máaquech mix ba'al u biilal, j káat máatanech, óotzilech, ch'óopech yéetel chacnulech. 18 Le o'olale' quin tzol xiquintiquech ca a man ti' tene' oro lúubsa'an u kaasil yéetel káak, u ti'al beyo' ca ayikalchajquech tu jaajil; ca a man xan ti' tene' sac nook u ti'al a búucbesicabáa u ti'al ca a bal beyo' u subtalil a chacnulil; ca a man xan colirio u ti'al a dzáa ta wicho'ob u ti'al ca

pacatnaquech. 19 Tene' quin chich t'antic yéetel quin jadz t'antic tuláacal le máaxo'ob in yaacuntmajo'. Bey túuno' yanac a wóol yéetel kex a tuucul.

2 Corintios 7:10 Tumen le yaayaj óolal cu mukyajta'al yéetel jun p'éel pucsi'ikal cu lúubul utzil ti' Kue', cu beetic u kexic u tuucul máac u ti'al ca to'ococ, le o'olale' mina'an ba'ax o'olal u yaatal u yóol máac. Ba'ale' le yaayaj óolal cu taal ti' yóokolcaabo' cu taasic químil.

1 Reyes 18:37 ¡Núuc in payalchi' Yuumtzil; n úuque, u ti'al ca u yojéelt le caaja' teche' Junab Kuech, yéetel táan a káat óoltic ti'obe' ca suunaco'ob ti' teech tu ca'a téen!

2 Corintios 4:4 Tumen tu yo'olal ma' táan u yocsaj óolo'obe', u kuil le yóokolcaaba' tu éekjoch'e'encunsaj u na'ato'ob u ti'al ma' u sáasjomenta'al u sáasilil u ma'alob péectzil Cristo máax qui'ichquelem, máax xan u chíicbesajil Ku.

Lucas 8:11-15 Lela' leti' ba'ax u káat u ya'al le queet t'aano'; Le i'inajo' u t'aan Ku. 12 Le dze'edzec i'inaj lúub yóokol le bejo' leti' le máaxo'ob cu yu'ubico'ob le t'aano', ba'ale' cu taal le kasilba'alo', cu luksic tu pucsi'ikalo'ob le t'aano' tu yo'olal ma' u yocsaj óolalo'ob ca to'oco'ob. 13 Le i'inaj lúub yóokol tzekelo' leti' le máaxo'ob cu yu'ubico'ob le t'aano', cu kamico'ob yéetel qui'imac óolal. Ba'ale' ma' jach yaan u mootzi', u yocsaj óolalo'obe' cu xáantal chéen dze'edzec kiin; tu kiinil le túuntaj óolalo' cu náachcunsicuba'ob. 14 Le i'inaj j lúub ichil ki'ixo'obo', leti' le máaxo'ob cu yu'ubico'ob le t'aano', ba'ale' láili' cu xiimbalo'ob tu beelo'obe' yéetel cu p'atico'ob u pe'ech'elo'ob tumen le sen tuuculo', le ayikalilo' yéetel le chéen cunel qui'imac óolalo'. Bey túuno' mix bikin cu dzáico'ob ich. 15 Ba'ale' le i'inaj lúub ti' ma'alob lu'ume' leti' le máaxo'ob cu yu'ubico'ob le t'aano' yéetel ma'alob pucsi'ikal bey xan yéetel chuca'an óolal. Le t'aano' cu p'átal tu pucsi'ikalo'ob; bey túuno' cu dzáico'ob ma'alob ich.

Hechos 15:11 Ma' bey unaji', ba'ale' to'one' c ocsaj óoltique' c to'ocol tu yo'olal u yutzil Yuumtzil Jesús, bey xan leti'ob.

Romanos 8:13 Tumen wa te'ex ca cuxtale'ex chéen je'el bix cu ya'alic le lu'umcabil wíinclilo', yaan a quíimile'ex, ba'ale' wa tu yo'olal le quili'ich Pixan ca beetique'ex u químil le ba'ax cu beetic le lu'umcabil wíinclilo', yaan a cuxtale'ex.